

## Aduertencias para

viri cordati iudicabunt in particulari, vt pote absoluere ab excommunicationibus Cæne Domini, dispensare in voto castitatis, & in impedimentis Matrimonij de iure humano. Hęc, & similia absq; dubio conceduntur, quia hæc committi solent legatis, & sepe indiget hæc Ecclesia huiusmodi potestatem ad manū habere. Et exsequentibus verbis Papa se magis declarat, dum dicit, tantam quantam ipsi iudicauerint opportunam, & expediētem pro conuersione Indorum, & manutentione, ac profectu illorum &c.

20 ¶ 3. Aduertendum ex patre Magistro Alfō fo à Veracruce, hanc concessionem magnam esse, neq; vnquā similem factam fuisse, neq; talibus verbis ab aliquo Pontifice. Nam licet alij, vt Gregorius. 9. Innocencius. 4. Sixtus. 4. & Leo. 10. multa concesserint Religiosis qui ad terras Infidelium proficiscuntur, scilicet vt omnia Sacramēta, quę simplex Sacerdos potest administrare, ipsi religiosi etiam possint. &c. Sed hanc omnimodam potestatem in vtroq; foro nullus predecessorum dedit. In qua concessione innumera sunt inclusa. Et quidem limitatio potestatis in arbitrio ipsorum prælatorum posita est.